



partii naleraq

10.okt 2019

UKA2019/25

Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2019-imeersoq
(Aatsitassanut Suliffeqarnermullu Naalakkersuisoq)

Aatsitassanut Suliffeqarnermullu Naalakkersuisup saqqummiussaa tassalu Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni oqartussat akisussaaffeqarnerat saqqummiusseqarfigissavarput.

Inuiaqatigiinni tamatta sumiluunniit inissisimagaluarutta tamatta pisussaaffeqarpugut sapinngisamik inuiaqatigiit ingerlalluarnissaat sutigut tamatigut qulakkeerniarnerani peqataassalluta.

Ilinniarsimasut sulisussat pisariaqartippagut aammalu suliffiit ilinniartitsinnaasut assut pisariaqartillugit. Nunatsinni inuusuttorpasuit ilinniarnikkut ingerlatsinissaat siunissami pinngitsoorsinnaangilarput sapinngisamillu amerlanerpaat ilinniartunngortarnissaat soorunami pissusissamisoortut isigalugu tapersorsorparput.

Ilinniartitaaneq nunatsinni ilaatigut immaqa pineqartnut artorsinnaasartoq misigisarparput. Inuiaqatigiinni ilaatigut imminnut inorsilluta pisarnerput ilinniartut amerlanerunissaannut killiisinnaasartoq takusarparput.

Nunaqavissut uagutsinnut aallaavigaluta ingerlannginnerput ilaanni malunnartorsuarmik misigisarparput. Inuusuttut assarsornikkut pisinnaasorpasuit eqqarsaatigigaanni ilaatigut oqaatsit aporfiusartut amerlasuut oqaatigisarpaat tamannalu pissutigalugu ajoraluartumik uniinnartartut amerlapput.

Tamannalu qaangerniarlugu qanoq iliussaagut. Najukkat qimannagit ilinniartitaanerit amerlanerusut eqqunniarneqarsinnaagaluarput uagutsinullu apequtaaginnarunarpaq qanoq piunassuseqartiginersugut aqqissusseqqinnissamut.

Nunatsinni suliffeqarfiit aammalu Namminersorlutik oqartussat kommunillu aamma kammattorusunnarput inuiaqatigiit ingerlaneranni akisussaaqataanertik ersarinnerusumik ilinniartitsinikkut sulisoqarnikkullu takutitariaqaleraat oqaatigerusupparput.

Ilinniarfiusinnaasut sungiusarfiusinnaasullu amerlanerulernissaannik aammalu suliffiit pisortanilu inuiaqatigiinni akisussaaqataanerulernissaat oqariartuutigineqartut taperserlugit una siunnersuut ataatsimiititaliamut innersuupparput.

Hans Enoksen

